



ЗООНОЗЫН ӨВЧИН СУДЛАЛЫН ҮНДЭСНИЙ ТӨВ

Зоонозын халдварт өвчний долоо хоног тутмын мэдээлэл

Дугаар №15



2018 оны 4-р сарын 30-наас, 5-р сарын 04-ны хооронд

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2018 оны 5 дугаар сарын 04-ны өдрийн байдлаар ЗӨСҮТ-д зоонозын халдварын хүний өвчний сэжигтэй байж болзошгүй нийт **395** яаралтай дуудлагыг хүлээн авсан байна. Эдгээрийн 56(14%) галзуугийн эрсдэлд өртсөн, 332(84%) хачигт халдвар, 2(0.5%) бэтэг, 1(0.3%) хумхаа, 4(1.2%)-ийг боомын хүний өвчлөлийн сэжигтэй тохиолдол эзэлж байна.

1.1. Хачгаар дамжих халдварт өвчний сэжигтэй тохиолдол:



Архангай, Баянхонгор, Булган, Говь-Алтай, Говьсүмбэр, Хөвсгөл, Ховд, Хэнтий, Дорнод, Дорноговь, Дундговь, Дархан-Уул, Өвөрхангай, Өмнөговь, Орхон, Завхан, Сэлэнгэ, Төв аймгийн 69 сум, нийслэлийн 7 дүүрэгт хачгаар дамжих халдварын 332 тохиолдол мэдээлэгдсэн нь өмнөх оны мөн үеэс 20.7%-иар буурсан, эпидемиологийн 17-р долоо хоногтой харьцуулахад 6.1%-иар тус тус өссөн үзүүлэлттэй байна.



5 дугаар сарын 04-ны өдрийн байдлаар хачигт риккетсиозын 19(5.7%), хачигт боррелиозын 8(2.4%) тохиолдлын онош тус тус батлагдсан байна.

1.2. Галзуу өвчний эрсдэлд өртсөн тохиолдол:

Баян-Өлгий, Ховд, Хөвсгөл, Хэнтий, Өвөрхангай, Өмнөговь, Говь-Алтай, Дундговь, Сэлэнгэ аймгийн 22 сум, Нийслэлийн 4 дүүргээс галзуу өвчний эрсдэлд өртсөн нийт 56 тохиолдол мэдээлэгдсэн нь өмнөх оны мөн үеэс 32.5%-иар буурсан. Эпидемиологийн 17-р долоо хоногтой харьцуулахад ижил түвшинд байна.



1.3 Боомын хүний өвчний сэжигтэй тохиолдол:

Ховд, Төв, Дорнод аймгийн 3 суманд боомын арьсны хэлбэрийн хүний өвчлөлийн сэжигтэй 4 тохиолдол бүртгэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр тохиолдол үгүйсгэгдсэн байна.

1.4 Бэтгийн хүний өвчлөлийн сэжигтэй тохиолдол:

Увс аймгийн Улаангом сум, нийслэлийн ХУД-ээс бэтэг өвчний онош тодруулахаар 2 хүний шинжилгээний материал ЗӨСҮТ-ийн лабораторит хүлээн аваад байна.

1.5 Хумхаа өвчний сэжигтэй тохиолдол:

Канад улсын иргэн. Өвчтөн “D” 34 настай, эмэгтэй. 2018 оны 3 дугаар сарын 16-29-ний хооронд Индонез улсад зорчих үедээ шумууланд хазуулсан өгүүлэмжтэй. 3 дугаар сарын 31-ний өдөр толгой өвдөх, дотор муухайрах, бүх бие янгинах, гүйлгэх шинж тэмдэг илэрч, Интермед эмнэлэгт 4 дүгээр сарын 01-ний өдөр хэвтсэн.

Хариу арга хэмжээ:

- Интермед эмнэлэгт 4 дүгээр сарын 01-ний 14 цагийн орчимд ЗӨСҮТ-ийн дуудлагын баг газар дээр нь очиж ажилласан.
- Өвчтнийг тусгаарлаж, хумхаа өвчний онош тодруулахаар сорьц дээжилж, ЗӨСҮТ-ийн лабораторид нян судлал, ийлдэс судлал, молекул биологийн шинжилгээгээр цусанд хумхаа өвчний үүсгэгчийн ДНХ тодорхойлогдоогүй онош үгүйсгэгдсэн.

1.5 Мэрэгч амьтны дуудлага:

2018 оны гарсаар нийслэлийн 6 дүүрэгт (БЗД, БГД, ХУД, *СБД, СХД, *ЧД)--ийн хэмжээнд нийт 17 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.

5 дугаар сарын 04-ны өдрийн байдлаар ЧД-ийн 19-р хорооны нутаг дэвсгэрээс хураагдсан сорьц материалыг ЗӨСҮТ-ийн лабораторид шинжилгээ үргэлжилэн хийгдэж байна.

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ

Монгол улсад:

Мал, амьтны боом өвчин: Хөвсгөл аймаг, Мөрөн сум

4-р сарын 27-ны өдөр Хөвсгөл аймгийн Мөрөн сумын Үерт багийн “Хужиртын дунд худаг” гэдэг газар малчин айлын 1 үхэрт мал амьтны гоц халдварт “Боом” өвчний шинж тэмдэг илэрч, дээж авч аймгийн МЭАЦЛ-ийн шинжилгээгээр батлагдсан байна.

Хариу арга хэмжээ:

- 4-р сарын 30-нд тус сумын засаг даргын захирамжаар хорио цээрийн дэглэм тогтоосон. Голомтот нутгийн 53 ямаа, 20 хонийг вакцинжуулсан.

Хөвсгөл ЗӨСТ-өөс авсан мэдээгээр:


- Голомтот нутгийн 1 өрхийн 3 хүнд биеийн ерөнхий үзлэг хийсэн.
- Боом өвчнөөс урьдчилан сэргийлэх сургалт, сурталчилгаа хийв.

Эх сурвалж: ОБЕГ

Олон улсад:

Шувууны томуу өвчин: Япон улс

Япон улсын Итами хотын Хуого мужид шувууны томуугийн H5N6 вирус халдварын дэгдэлт бүртгэгдэж, 2 шувуу өвчилж үхсэн байна. Тус бүсэд хорио цээрийн дэглэм тогтоож, хариу арга хэмжээг хэрэгжүүлэн ажиллажээ.



Эх сурвалж: ДАЭМБ

Хонины цэцэг өвчин: Израиль улс

Израиль улсын Беер Шева хотын Хадаром мужид хонины цэцэг өвчний улмаас 40 хонь өртөмхий байснаас, 5 хонь өвчилсөн байна. Тус мужид хязгаарлалтын дэглэм тогтоо, ариутгал халдваргүйтгэлийн арга хэмжээг хэрэгжүүлэн ажилласан байна.



Эх сурвалж: ДАЭМБ

Мал, амьтны галзуу өвчин: Малайз улс

Малайз улсын Сарабак хотын Сериан мужид мал, амьтны галзуу өвчний улмаас, 1 нохойг устгаж, хариу арга хэмжээг хэрэгжүүлэн ажилласан байна.



Эх сурвалж: ДАЭМБ